



رسائل تنبيه وتحذير من حرائق الغابات (Bushfire)

لمن يحصل حريق غابات (bushfire) يتكون في طرق كثيرة تلقى بيها معلومات عشان تساعدك تحافظ على سلامتك. ما تعتمد على مصدر معلومات واحد. وفي حالة الطوارئ، الوسائل التكنولوجية ممكن تتعطل. وانت لازم طوالي تعتمد على احساسك. عاين برّه عشان تتأكد من أي علامات حريق، زي ريحة الدخان.

ما تعتمد على رسالة نصية بالهاتفون أو رسالة اتصال بالهاتفون. حرائق الغابات (Bushfires) ممكن تبدأ بسرعة وتهدد البيوت والأرواح في دقائق. أسلم خيار هو أنك تغادر بدري قبل بداية حريق الغابات (bushfire).

في ثلاثة مستويات بتاعت رسائل التنبيه بحريق الغابات (bushfire):

1. إفادة

معلومات عامة عشان يوروك المستجبات والتطورات.

2. راقب واتصرف

الحريق جاي قريب منك.

الأحوال متغيرة وانت لازم تبدأ تتصرف هسي عشان تحمي حياتك وحياة أسرة بتاعتك.

3. التحذير بحالة طوارئ

أنت في خطر ولازم تتصرف هسي طوالي.

حا تتأثر بحريق.

رسائل التنبيه بحريق الغابات (bushfire) ما بتجي بنفس الترتيب الفوق ده في كل الأوقات. مثلاً، ممكن تجيك أول رسالة "راقب واتصرف".

لو جاتك رسالة تنبيه بحريق غابات (bushfire)، انت لازم تتعامل معاها بجدية. لو انت ما اتصرفت ممكن تحصل ليك وفاة أو لعائلتك.

لو ما فهمت الرسالة، اطلب المساعدة من قريبك، أو من صاحبك أو من جارك.

راقب واستمع للتحذيرات الصادرة لضاحيك، ومدينتك والمناطق المحيطة.

لو داير تعرف التنبيهات والتحذيرات:

• اسمع إذاعات الطوارئ - إذاعة ABC المحلية، والمحطات الإذاعية التجارية والمجتمعية المتخصصة.


• خش في موقع بتاع انترنت ده cfa.vic.gov.au، أو dse.vic.gov.au

• قناة Sky News التلفزيونية

• اتصل بـ Victorian Bushfire Information Line على الرقم 1800 240 667 أو عن طريق National Relay Service على الرقم 1800 555 677.

• قنوات التواصل الاجتماعي الإلكترونية: twitter.com/CFA_updates و CFA Facebook

• نزل تطبيق CFA FireReady المتوفر في معظم الهواتف الذكية.



صورة: إنت ممكن تجيك تحذيرات ونصائح عن طريق تطبيق FireReady الخاص بـ CFA.

في حالات الطوارئ:

- إنترنت ممكن تسمع صوت صفارة تعرف بـ (SEWS) Standard Emergency Warning Signal – وهي صفارة بعملها عبر الإذاعة أو التلفزيون قبل التحذير.
- ممكن برضو يرسلو ليك تحذير بالتلفون بحالة الطوارئ إلى موبايك وتلفونك الأرضي حسب عنوان فاتورتك. كلام ده معناو أنو لو انت ساكن في المدينة وداير تسافر للريف أثناء حدوث حريق غابات (bushfire)، ما حا يجيبك تحذير في موبايك. في نوفمبر 2013 الخدمة حا تكون حسب المكان الانت موجود فيو.

صفارات بتاعت مطافئ CFA:

- صفارة المطافئ (قصيرة) – دي صفارة بتستمر لغاية 90 ثانية وتدلل على أنو فريق المطافئ التابع لـ CFA يستجيب لحالة طوارئ قريبة منك. ده ما بحتاج أي إجراء من الناس.
- صفارة المطافئ (طويلة) – صفارة طويلة، بتستمر لمدة 5 دقائق، وتدلل على أنو في حالة طوارئ بتحصل حالياً وانت لازم تعرف معلومات زيادة عن أي تهديد محتمل.



صورة: راديو يشتغل بالبطارية

نصائح إضافية مفيدة:

- احتفظ بخريطة لمنطقتك المحلية. انت ممكن تراجع الخريطة عشان تعرف مكان الحريق.
- انت لازم يكون عندك راديو يشتغل بالبطارية عشان تتابع المستجدات لو الكهرباء قطعت.
- لو انت كنت مسافر في فكتوريا، لازم تراقب الأحوال. أعد النظر في زيارة مناطق حرائق الغابات (bushfire) في أيام خطر الحرائق.